



Matumuuna Inatsisartut Suleriaasiat § 33 najoqqutaralugu aalajangigassatut siunnersuummik saqqummiussivunga:

Naalackersuisut innuttaasut nunaqarfinni isorliunerusunilu najugaqartut nammineerlutik illuliornissamut taarsigassarsisinnanissaminnut periarfissaat pitsanngorsarumalugu kiisalu nammineerlutik illuliornissamut taarsigassarsinissamut periarfissaannik ammaasseqqinniarlugit suliaqarnissaannut peqquneqarnissaannik siunnersuut.

Suliaq naammassineqariissaaaq UPA 2024-mut.

(Inatsisartuni ilaasorta q Jens NapätôK)

Tungavilersuut:

Naleraq periarfissaq una atorusuppaa nunaqarfinni isorliunerusunilu nammineerluni illuliornissamut aningaasaliissutissanik siunnersuummik saqqummiussilluni.

Illoqarfinni, nunaqarfinni isorliunerusunilu inissaaleqingaatsiartoqarpoq, aamma inissianik sanasoqarnissaanik piunasaqarnissamut pissutissaqartoqarpoq. Maanna innuttaasut najugaqarfii naleqqukkunnaarput aamma illut nutartertariaqalerput.

1970-ikkut aallartinneranni qallunaat naalagaaffiat boligstøttemik taarsigassarsiilluni nammineq illuliornissamut aqqqissuussisoqarpoq atortunut aningaasartuutit 9 %-ia tikillugu taarsigassarsisoqarsinnaalluni erniaqanngitsumik. 10 %-t kingulliit nammineq illuliortup aallaqqaatissatut akilertussaavai. 1987-imi Namminersornerullutik Oqartussat piunasaarlerpaat aallaqqaatissatut akiliut 5 %-imut appartinneqassasoq, taamaalilluni atortunut aningaasartuutit 95 %-ia taarsigassarsiatut taarsigassaannngitsutut erniaqanngitsumillu tunniunneqartalerluni, taannalu ukiut 33 ingerlaneranni nalikillineqassaaq, ullutsinni illu nammineq sanaassamut ukiunut 20-nut sivikillineqarsimavoq.



Naleraq isumaqarpoq illunut sanaqataaffiusunut taarsigassarsiat pillugit Inatsisartut inatsisaat nr. 28, 3. December 2018-imeersoq¹ allangortittariaqartoq illunut sanaqataaffiusunut sananissamut periarfissat annertusillugit, aamma ilanngunneqassaaq Naalakkersuisut misissuisasat kommunit aqutsinermi aqqissuussaananerit aamma illunut sanaqataaffiusunut qinnuteqarnermi suliarinnittarnerat pitsanngorsarneqarsinnaanersoq. Kommunit illunut sanaqataaffiusunut oqartussaaffik tigoreerpaat aamma taamaattumik inatsit allangorteqqaarnagu illunut sanaqataaffiusunut aningaasaliissutit amerlineqarsinnaanngillat.

Naleraq isumaqarpoq Inatsisartut inaatsisaat taaneqartoq illunut sanaqataaffiusunut aamma nammineerluni illulianut periarfissiinera annikippallaartoq.

Naleraq siunnersuuteqarpoq nammineerluni illuliornissamut periarfissiineq ammaqqittariaqartoq 1. Januar 2008-p kingorna nammineerluni illuliornissamut taarsigassarsineq tapiisarnerlu pisinnaasimangitsoq unitsillugu, aamma taamaattumik siunnersuutigerusupparput Naalakkersuisut inatsisip allangortinnissaanut sulissuteqassasoq, illoqarfinni isorliunerusunilu nammineerluni illuliornissamut aningaasanik qinnuteqarsinnaanngoqqillugit, tapiissutit innuttaasunut tamanut periarfissaasariaqaralarput, Kalaallit Nunanni sumiluunniit najugaqaraanni. Sanasunik amigaateqartoqarmat 95-5 ukiorpassuarni naleqqutissaq, illoqarfinni nunaqarfinnilu inissaaleqineq aaqqinniarneqarneraniit.

Naleraq isumaqarpoq ilaqtariit inuusuttut angerlarsimaffeqanngitsut ernianik ilanngaasarneq aamma akiitsut saniatigut nalinganik taarsigassarsineq iluaqutigissanngikkaluaaraat, ilaqtariittut illutaarneq nuannarissavaat, tassani meeqqatik perorsarsinnaavaat illumi nammineq akileraarutitigut akilikkaminni. Nunaqarfinni isorliunerusunilu illuutillit iluaqutissarsiarisinaaneraat misissuititserusuppugut, soorlu allat ernianik ilanngaasarnerattut aamma akiitsut saniatigut nalinganik taarsigassarsinerini.

Taamatut oqaaseqarluta Parti Naleraq sinnerlugu aalajangigassatut tunngavik una saqqumiuppara inersuarmi oqallisissanngorlugu aamma Naleqqamit neriuutigaarput partiit allat tamanna tapersersussagaat Naalakkersuisut nunaqarfinni isorliunerusunilu nammineq illulianut aningaasaliinissaannut peqquneqarnissaat.



Suliaq naammassereerneqassaaq UPA2024-mut.

Pisortanut aningaasatigut allaffissornikkullu kingunerisassai:

Aningaasatigut kingunerisassai § 37 najoqqutaralugu apeqquteqaammi siunnersuuteqartup allaaserereerpai. Akissummi tassani takuneqarsinnaavoq pisortanut tamanna naleqassasoq aallaqqaatissatut akiliut nammineerluni illulianik illulioqataanermik sanaartornermi attartukkat pigilernissaannut malittarisassat allanngortinneqarpata aamma inoqutigiit isertitaat akileraarutaasussaq assigiinngitsuuppata – tamanna fiilimi ilanngunneqartumi § 37 najoqqutaralugu apeqquteqaammut² Naalakkersuisut akissutaanni takuneqarsinnaavoq².

Naatsorsuutigineqarpoq AC-mi atorfillip ukiup ataatsip akissarsiatut naleqassasoq isorliunerusuni taarsigassarsinissaannut periarfissat misissornerini piareersaatit suliarinerini, siunnersuut taamaatsillugu akuerineqarpat.

Namminersortunut aningaasatigut allaffissornikkullu kingunerisassai:

Soqanngilaq.

Innuttaasunut aningaasatigut allaffissornikkullu kingunerisassai:

Soqanngilaq.

² https://ina.gl/documents/para3637/2022/svar/151_2022_medbyggerhus_JNAPP_akissut.pdf